



Universitätsbibliothek Paderborn

**R. P. D. Henr. Harphii Theologi Eruditiss. Ordinis
Minorvm, Ac Rervm Divinarvm Contemplatoris eximij.
Theologiæ Mysticæ Libri Tres**

Henricus <Herpius>

Coloniæ, 1611

De quinque donis charitatis, quibus anima consecratur, & dignissima Dei
sponsa efficitur. Cap. XCIII.

urn:nbn:de:hbz:466:1-37362

igne positum magis ac magis ignitur. Non tamen est intelligendum, quod in quolibet actu charitatis ipsa charitas augeatur, sed quilibet actu charitatis disponit ad augmentum charitatis, in quantum ex uno actu charitatis prior redditur ad agendum secundum charitatem: & sic habilitate crescente, prorumpit in actum feruentiore dilectionis, quo conetur ad charitatis perfectionem: & tunc charitas augetur in actu, cui augmento charitatis nullus terminus ponit in statu viæ: tum quia charitas secundum rationem propriæ speciei terminum augmenti non habet, eo quod est participatio quædam infinitæ charitatis, quæ est Spiritus sancti: tum etiam, quia causa agens charitatem est infinita virtutis, scilicet Deus: tunc denique, quia crescente charitate, semper in subiecto supercrescit habilitas ad ulterius augmentandum charitatem: quia capacitas creature rationalis per charitatem augetur, & per ipsam cor dilatatur, secundum illud: *Dilatamini in charitate.* & iterum: *Cor meum dilatum est.* Et ideo semper remanet habilitas ad maius augmentum, Vnde ait S. Bernardus: Necesse est animam crescere & dilatari, ut sit capax Dei: Porro latitudo eius, dilectio eius, sicut ait Apostolus: *Dilatamini in charitate.* Nam si anima minime, cum sit spiritus, corpoream recipit quantitatem, tamen illi confert gratia, quod negatum est à natura. Crescit quidem & extenditur, sed spiritu aliter crescit, non in substantia, sed in virtute. Crescit & in gloria. *Cre.* *Ephes. 2:10*. *scit etiam in templum sanctorum in Domino.* Ergo quantitas animæ astimatur de mensura charitatis, quam habet. O quanta est illi animæ beatæ beatitudine, quæ diuinam in se præsentiam, & dignam inuenit suscipere, & sufficiens capere: imo cui sufficiunt deambulatoria spatiofa, secundum illud: *Inhabitaro in illis,* & deambulabo: Deambulat enim in nobis præsentia maiestatis, si latitudinem inuenit charitas.

De quinque dinis charitatis, quibus anima consecratur, & dignissima: Dei sponsa efficitur. Cap. XCII.

SVRge Aquila, & veni Auster, perfla hortum meum, & fluant aromata. *Psal. 67:1*.
Silius: Dicit Augustinus de verbis Domini: Magna est misericordia Dei nostri, dedit enim dona hominibus. Quia dona? Spiritu sanctum. Donum quippe dat æquale sibi, quia donum eius Spiritus sanctus est, & unus Deus tota Trinitas. Quid præstabit nobis Spiritus sanctus? *Rom. 5:5*. Audi Apostolum: *Charitas Dei diffusa est in cordibus nostris, per Spiritum sanctum, qui datus est nobis.* Ut ergo ames Deum, habitat in te Deus, vt

Ecc 3:17 *amet:*

amet se de te, id est, ad amorem suum moueat te, accendat te, illuminet te, exciret te. Restat igitur ut intelligamus habere Spiritum sanctum qui diligit, & habendo mereri, ut plus habeat; & plus habendo, ut plus diligit. Hac ille. Dicit enim Chrysostomus, quod omnes species iustitiae, quas habent serui Dei in veritate, possunt habere serui diaboli in simulatione: solam autem charitatem Spiritus sancti non possunt habere. Et ideo hanc priuatam speciem charitatis sibi seruauit Spiritus sanctus, quia per nullum testimonium sic cognoscitur, ubi sit Spiritus sanctus, sicut per gratiam charitatis. Ut igitur agnoscamus, quae charitatis dona nobis a Deo donata sunt, sciendum, quod per infusam nobis charitatē quinque dona Deo gratissima pariter recipimus, quibus & ipsa anima consecratur & efficitur dignissima Dei sponsa. Primum donū est, spiritualis vitæ veritas. Sicut enim in charitate consistit omnia virtutum vita & forma, sic etiam in ea consistit ipsius animæ vita. Dicit enim Augustinus: Sicut vita corporis est anima, sic animæ vita Dei est: & sicut expirat corpus, dum amittit animam; sic expirat anima, dum amittit Deum. Deus dimissus, mors animæ; amissa anima, mors corporis. Et licet corpus nostrum mori posse, tamen id ipsum quo diligimus, scilicet anima, mori non potest, nisi cum non diligit Deum, cui mors est, non diligere Deum. Vnde dicit S. Bernardus super Cantica: Videlicet mihi Dei dilectionem quasi aliarum dilectionū esse animā, quæ & in seipso plenissimè vivit, & alijs sui præsentiā vitalē impertit es-
sentiam, absentia mortem inducit. Ut igitur homo se diligit, in ipso Dei dilectio inchoatur. *Qui vero non diligit, manet in morte.* Ut diligit proximum, capaciori quodammodo sibi concipitur, ubi diuinus ille ignis paululum conualescens, ceteros tamen quasi scintillulas quasdam in sibi plenitudinem miro modo absorbeat. Totam enim anima dilectionem ad illud sublime & ineffabile bonum adducens, ubi nec ipse a se, nec proximus diligatur, nisi in quantum uterque deficiens a se toto penitus in Deum transferatur. Denique, anima nostra quodammodo se haber ad Deum, sicut materia ad suam formam, & perfectibile ad suum perfectiu[m]. Nam ipsa materia ante susceptionem formæ est imperfecta, sine decore, sine virtute, sine actione. Habita vero forma, statim venit ad perfectionem, iuxta eiusdem formæ proprietatem. Sic & anima Deo non dum vixit per viuificum amorem, in quadam morte spirituali permanet, sine decore, sine virtute, & sine actione, quantum ad actus viuificos meriti vita æterna. Deo vero tanquam fontali

Dona cha-
ritatis.

Vita.

¶ Iohann. 3.

fontali principio totius vita per charitatem coniuncta; datur vita quædam diuina, mediante amore tanquam qualitatua & harmoniacæ dispositione. Hinc ultima perfectio ipsius animæ. Deus est, & centrum locusque naturalis omnium desideriorum suorum. Secundum vero donum est amoris diuini connaturalitas. Nam diuina bonitas, quæ spiritus sancto appropriatur, nullam aliam virtutem in humano corde collocat, sic illi connaturalem, sicut charitatem. *Deus enim charitas 1. Ioan. 4.*
*est increata; à qua purus quidem & infinitus actus amoris procedit. Et anima humanam creans Deus, ad imaginem utique charitatis & similitudinem infiniti actus amoris sui creavit illā. Ideo postquam ad usum liberum rationis peruenierit, ex esse proprio quandam habet aptitudinem ad amandum, sine qua subsistere nequaquam potest. Ipsa tamen per liberum arbitrium in medio constituta dinoscitur, ut ad amandum quocunque voluerit, se diuertere possit. Et hæc in anima aptitudo diligendi, quædam est imago Dei, à qua ulterius procedit quidam velox & efficax amoris actus, clarus in se repræsentans illam similitudinem infiniti actus amoris diuini. Ex quibus relinquitur, quod nulla virtus ita connaturalis est in homine increatae charitati, sicut ipsa charitas infusa. Tertium itaque donum necessarium sequitur ex secundis, quod est ipsius diuinitatis admiranda conformitas. Super omnes enim virtutes, felicem animam ipsa charitas Deo conformat: quia *Deus charitas est;* & ideo melius per charitatem, quam per quamcumque virtutem aliam, tanquam per Deo consimilarem anima conformiter in Deum transformatur. Si enim (vt refert Philosophus 2. Politica) dicit Aristophanes, quod amantes desiderant unum fieri ex duobus, & Tullius de amicitia dicit, quod is est amicus, qui est tanquam alter idem. Sed quia ex hoc queretur, aut ambos aut alterum eorum corrumpi, ideo querunt unionem, quæ conuenit & decet, scilicet ut in actibus amicitiae adiuvicem coniungantur. Hoc tamen multo excellens fit in creatura rationali cū suo Creatore. Vnde dicit Hugo de arrha anima, quod ea vis amoris est, vt te talē esse necesse sit, quale est illud, quod amas, & cui per affectum coiungeris, in ipsius similitudinem ipsa quodammodo dilectionis societate transformaris. Et sic charitas trahit amantem in similitudinem amati, in quantum potest, non solum quantum ad voluntatem, sed etiam quantum ad operationes arduorum & difficultum. Hinc dicit Iohannes Abbas, quod charitas secundum qualitatem est similitudo, quantum hominibus est possibile; secundum operem*

Ecc. 4. ratio-

rationem vero est animæ ebrietas: secundum proprietatem est fons fidei, ab yisu lōganimitatis, & mare humilitatis. Sicut enim ignis materiam in se convertit in quam agit: sic etiam amor diuinus animam in se convertit, quam accedit. Et hæc feliciter expertus, innuere voluit, qui dixit: *Deus caritas est, & qui manet in charitate, in Deo manet, & Deus in eo*. Et beatus Augustinus, quo nihil manifestius: Qualis inquit, est hominis dilectio, talis est homo. Si terram diligis, terra es; si cælum, cælum es. Si autem diligis Deum, non audeo dicere, Deus es; sed Prophetam audi dicentem: *Ego dixi, Dy es tu, & filii excelsum meum*: Et hanc conformitatem maximè talis operatur dilectio, quæ plenissimè & viscerosissimè ad amorosum complexum inimicorum extenditur. Talis enim, Euangeli teste, censetur simili Altissimo, & filius Altissimi. Quartum proinde donum sequitur ex prædictis, quod est ipsius animæ formositas. Nam, secundum Doctores, imago Dei in anima cōficitur in naturalibus proprietatibus, & potentijs eius: similitudo vero consistit in gratuitis, id est, in virtutibus, diuina charitate formatis, & decoratis, præcipue tamen in ipsa charitate, sine qua deformis iudicatur omnis anima quibuscumq; virtutibus alijs florere videatur, quia reliqua gratiarum dona largitur Deus & his, quos reprobat: solam autem charitatem, quasi seipsum, histantum, quos diligit in premium seruat. Creatura namq; rationalis, & intellectualis carboni similis est, quo nihil fragilis, nihil econtra durabilis, nihil etiam obscurius dum extinctus fuerit, nihil ignis similis dum ignitus fuerit. Sic anima humana nihil fragilis mutabilitate, vel durabilis vita perpetuate, nihil obscurius extineta charitate, nihil formosius formata charitate. Quid enim torpescit in diabolo, nisi peccatum? ut pote cuius natura inseparabilis pulchritudine, & nobilitate condita, sed charitate priuata, & iniquitate deformata. Vnde ait Hieremias: *Denigrata est super carbones facies eorum*. Dum vero ipsa natura tam Angelica, quam humana, diuinæ charitatis igne fuerit succensa, protinus efficitur pulcherrima, Deoque simillima. Quid enim ignitus carbo, nisi ignis censeri debet, cum iam ignis est effectus forma carbonis? Sic & ipsa anima charitatis igne decorata, ita ut iam charitas effecta sit eius forma feliciter. Quinque donum est amoris diuini suavitatis. Nulla nanque virtus tantam facit experii delectationem, complacentiam, & suavitatem, sicut charitas, tam in Deo, quam in creaturis: quia, ut dicitur in libro spiritu, & anima, hæc est requies cordis nostri, cum in Dei amore per deside-

ibidem.

Psal. 81.

Iohann. 10.

Lucæ 6.
Formosi-
tas.Animæ si-
milati car-
boni.

Thren. 4.

Suauitas.

desiderium figitur. Hæc est vita cordis nostri, cum Deus in suum contumatur, & in sua contemplatione suauiter reficitur, & dulce est illi semper ad desiderandum, amandum, & laudandum. Vbi autem est amor, secundum Bernardum, ibi non est labor, sed sapor: quia amanti nihil est difficile, nec satiari potest desiderio, qui non nisi desiderare concupiscit, cum Psalmist. dicente: *Concupiuit anima mea desiderare iustificationes tuas in omni tempore.* Hinc etiam anima Deum amans amore non satiatur, quia Deus amor est, quem qui amat, amorem amat. Amare autem amorem, facit circulum, ut nullus finis esse debeat amoris, vel mensura: quia, secundum Dionysium, amor aeternus ostenditur, sicut ^{A morem} esse circulum, quidam circulus aeternus, per optimū ex optimo in optimum inenarrabili conuersione circumiens. Et in hoc circulo spiritus amans complectitur, & ad infinitum amorem complectendum inuitatur, & semper de copia facit inopiam: quia licet datur ei ad plenitudinem, nunquam tamen ad satietatem, ut verificetur quod scriptum est: *Qui edat Ecclesiastes 24. me, adhuc esurient; & qui bibunt me, adhuc sitient:* O pelagus immensurable diuina dulcedinis, cum te amare sit edere: quanto do te amantes sic refici, ut magis esuriant, cum repleti fuerint, nisi quia tu charitas immensa simul es cibus & esuries? Qui te non gustat, prorsus esurire te nescit. Ad hoc enim cibas, ut esurire facias. *Esurientes, inquit, impletur.* non satiauit, bonis. Amoris enim bona eò minus satiant, quò magis replet. Bona, inquam, que preparavit Deus diligentibus se, ut bo*Lucas 1. Cor. 2.* na dilectionis esse non ambigas, quæ nimirum delicia sunt aeternitatis, omnisque beatitatis paradisi cœlestis, & quicquid iucundum mente concipi potest, in modo plus quam concipi potest in infinitum. Hæc, inquit, amor aeternus preparavit diligentibus se, sed abscondit timentibus *Psalms 50. 1. Ioan. 4.* se, donec perfecta charitas foras mittat timorem, mentis oculos obuelant. Ex tunc enim feliciter experiri faciet, quam magna multitudo dulcedinis diuini amoris sit in ^{apotheca} perpetua felicitatis.

Quod obiectum charitatis est sumnum bonum, & quod est triplex causa amoris, & qualiter etiam naturaliter Deus diligitur super omnia ab omni creatura.

Cap. XCIV.

Electus ex milibus: caput eius aurum optimum. Canticorum. v. Electus iste Christus est, à Patre pro nobis electus præ milibus Angelorum, & electorum, in sacrificium nostræ reconciliationis, in pretium.

Fff um no-